

四庫全書

經部

欽定四庫全書

埤雅卷五

宋陸佃撰

釋獸

羆

羆

羆

羆羊

羆羊

狗

羆

豕

獾

豚

騶虞

犬

豕

羆

釋畜曰未成羊羴羴未成羊也故从宁宁佇也宁其美
成而後足用詩曰既有肥羴而後言既有肥牡明其禮
有加而無已且其一章曰伐木許許醕酒有萸既有肥
羴以速諸父言燕禮也二章曰陳饋八簋言食禮也三
章曰邊豆有踐言饗禮也周禮朝事之邊其實醴黃白
黑形鹽豆實韭菹醢醢昌本而傳謂饗有昌歠白黑形
鹽其言應禮則邊豆有踐為饗可知矣蓋禮以爵言之
謂之朝獻以邊豆言之謂之朝踐朝踐即踐朝事之豆

籩也謂之朝事以象朝事其親所進也朝事象朝時所進則饋食象食時所進矣詩於八簋言饋籩豆言踐則其為食饗又明矣朝踐之豆籩當饗饋食之豆籩當食則加豆加籩蓋當燕矣加豆之實深蒲醢醢荀菹魚醢適當燕禮故詩曰其蔌維何維荀及蒲籩豆有且侯氏燕胥也然則饗具四豆四籩之實食禮則自饋食而下無朝事之豆籩也燕禮則自加豆加籩而下無饋食之豆籩也故禮莫重於饗食次之燕又次之聘義曰壹食

再饗燕與時賜無數

羝

羝性好觶突故从抵省字从抵省音从低者以低其角
然後能觶突故也易曰羝羊觸藩羸其角九三重剛而
不中又動以進也故有羝羊之象然則上六亦曰羝羊
何也蓋大壯之極疑於羝羊猶坤之上六疑於龍爾博
雅曰吳羊牡一歲曰牡羝三歲曰羝牝一歲曰牝羝三
歲曰牝諺曰智如禹湯不如更嘗是以樊遲請學稼孔

子曰吾不如老農然則聖賢之智猶有所未達而況於
凡庸者乎故曰三折肱知為良醫又曰亡羊治牢未為
晚也

羔

大曰羊小曰羔羔性羣而不黨又皆跪乳象禮其德宜
施於朝故古者以為朝服詩曰羔裘如膏日出有曜言
日出有曜然後見其如膏且亦聽朝之時也而反以游
燕又與狐裘以朝狐裘在堂異矣故是詩後之也玉藻

曰朝辨色始入君日出而視之退適路寢聽政詩曰羔羊之皮素絲五紕素絲五紕所以英表其制然也此言其節羔羊之革素絲五緇革者言敝而因故以改造也此言其儉羔羊之縫素絲五總革而又敝則補緝以縫之此言其儉之至西京雜記曰五絲為緝倍緝為升倍升為緇倍緇為紀倍紀為緇倍緇為緇此乃自少之多自微至著也紕今無所考據以類反之緇寡於總紕蓋宜寡於緇也周官曰卿執羔說者以為羔取羣而不黨

卿執羔非特為其羣而不黨繁露曰凡贄卿用羔羔有角而不用類仁者執之不鳴殺之不鳴類死義者羔飲其母必跪類知禮者禮曰飾羔鴈者以續以言其德足以衣被而又有文章也字說曰羔从羊从火羊火畜也羔火在下若火始然可進而大也又曰羹从美从羔羊大而美成羔未成也美成為下和羹是也未成為上大羹是也禮豆先大羹

羴羊

狀若騾而羣行暑天塵露在其角上生草戴行愛之獨
寢代都賦所謂羴羊養草以盤旋是也廣志曰羴羊角
重於肉舊云羴羴並以時墮角其羴角尤大

狗

爾雅曰未成毫狗家獸也孔子曰狗叩也叩氣吠以守
也許慎以為从犬句聲蓋狗从苟韓子曰蠅營狗苟狗
苟故从苟也爾雅曰犬未成毫狗又曰尢狗也然則狗
非田犬亦犬子也非田犬者不自搏食苟食而已若犬

子則雖田犬亦然故皆曰狗熊虎醜其子謂之狗亦以
待舖如狗也易曰艮為狗狗善警吠止禦又其性前趨
故艮為狗艮陽在上故也釋畜曰長喙獫狫短喙獨橋長
喙善獵短喙善吠以守莊子曰狗不以善吠為良凡犬
長喙上短喙次之傳曰狡兔死良犬烹良犬即今細狗
長喙曰獫狫者是所謂不以善吠為良也詩曰不狩不獵
胡瞻爾庭有縣特兮蓋獵以逐之狩以守之而長喙善
逐短喙善吠以守詩曰載獫狫驕獫以田獵歆驕以狩

故也故序曰始命有田狩之事園囿之樂焉傳曰狗性險而出獫狝險省其以此乎詩又曰無感我帟兮無使尤也吠爾雅曰尤狗也狗善猜警非禮相陵則警吠故詩以惡無禮屈子曰邑犬羣吠吠所怪也詩一章曰盧令令二章曰盧重環三章曰盧重鉤者言田事彌飾而彌以有制所以刺荒也令令鈴聲也鈴以令之環以制之重鉤又言貫制之衆說文曰旂有衆鈴以令衆也傳曰賜之環則反賜之玦則絕且盧犬也正言犬者又以

刺好畢弋義訓曰良犬韓有盧宋有鵲盧黑色鵲黑白
色淮南子曰若鵲之駁言黑白雜也荆楚記曰雞寒狗
熱

𤝵

牝豕曰𤝵說文云二歲曰𤝵能相把𤝵也詩曰彼茁者
葭壹發五𤝵彼茁者蓬壹發五縱正言𤝵與縱者𤝵把
𤝵縱叢聚皆蕃殖之意也葭茁於下蓬茁於上𤝵獲於
前縱獲於後以言上下草木鳥獸蕃殖

豕

豕也竭其尾故謂之豕犬喜雪馬喜風豕喜雨故天將
久雨則豕進涉水波詩曰有豕白蹢烝涉波矣月離于
畢俾霿霿矣此之謂也牛順羊很豕躁有豕白蹢則又
其躁者故詩以况夷狄橫猾難制之強四蹢白曰豨即
此是也說卦曰坎為豕坎性趨下豕能俯其首又喜卑
穢亦水畜也故坎為豕大畜六四曰童牛之牯六五曰
豮豕之牙牢謂之牯牙者所以畜豮豕之牝也今東齊

海岱之間以牝繫豕謂之牙賦曰置牙擺牲是也六四
畜初以外制內也有牯之象六五畜九以小制大也有
牙之象子曰振也愆焉得剛又曰君子易祿而難畜夫
人之所以不剛且易畜者大抵以欲自累也童牛殯豕
則私欲不行剛而不累於物剛而不累於物則難畜矣
畜賢之道如牯之駐童牛牙之繫殯豕於是為至故孔
子於四曰有喜五曰有慶也禮曰羊曰柔毛豕曰剛鬣
羊於毛也柔豕於鬣也剛周官曰豕盲眊而交睫腥腥

說文音姓以為星見食豕令肉生息肉也今俗謂之腥
肉蓋豕有米肉如星則其臭腥而肉不可食故其字又
通於腥而內饔辨腥臊羶香之不可食者曰豕盲眊而
交睫腥也鄭云腥當為星肉有如米者似星不知所謂
息肉似星者即腥其實一也說文巳象蛇之形亥象豕
之形蓋一陽生於子至巳而六陽備一陰生於午至亥
而六陰備故此二字皆象形也巳蛇也亥豕也故子夏
之晉過衛有讀史者曰晉師三豕渡河子夏曰非也是

己亥也林氏小說曰以其食不絜故名之豕

獫

獫獸似猿青身黑頰有髯髯黑其手亦黑性好理髯又愛其類生相序死相赴殺一可以致百故周官素車犬禔言君臣之道尚微當警備也藻車鹿淺禔駟車然禔言喪事彌吉而君臣之道滋定故鹿禔以明安則相求患難則相衛然禔以明安則相叙患難則相赴也舊說獫皮五色中為茵毯人取以藥矢射之其偶為拔其矢

因以自刺與之俱斃

豚

曲禮曰豚曰腍肥說文云牛羊曰肥豕曰腍豚曰腍肥
蓋兼之也易曰信及豚魚正言豚魚者豚微物而遁逸
魚微物而潛逃信所難及故也玉藻曰圈豚行不舉足
齊如流端行頤雷如矢弁行剡剡起屨執龜玉舉前曳
踵蹢躅如也先儒以為弁疾也端直也圈轉也豚之言
若有所循皆非是蓋畜養之閑曰圈豕子曰豚端讀如

端弁之端弁讀如弁冕之弁圈豚臨行不舉足齊如流
執龜玉舉前曳踵蹠蹠如也則禮以其物記行容端行
頤雷如矢弁行剡剡起屨則禮以其服記行容互相挾
也古者祭祀必先擇牲繫而養之於牢君衮冕而臨之
則行不舉足齊如流所以致敬且稱其服容也祭義曰
天子為籍千畝冕而朱紘躬秉耒諸侯為籍百畝冕而
青紘躬秉耒以事天地山川社稷先古以為醴酪齊盛
於是乎取之敬之至也古者天子諸侯必有養獸之官

Dr. David Zilman

皮弁卜牲冕而圖之又不為過矣莊子曰祝宗人玄端臨牢筴說彘曰吾將三月撝汝十日戒三日齋夫禮祝宗人玄端臨牢筴擇彘則天子皮弁召牛納而視之卜之吉然後養之固其禮也或言牛或言彘其實一也擇之以弁則豢之以冕禮又宜然也然則行不舉足齋如流冕行之容也順雷如矢端行之容也剡剡起屨弁行之容也

騶虞

騶虞尾叅於身白虎黑文西方之獸也王者有至信之德則應不踐生草食自死之肉傳曰白虎仁即此是也夫其色見於白其文見於黑又義獸也而名之曰虎則宜正以殺為事今反不履生草食自死之肉蓋仁之至也故序詩者曰仁如騶虞則王道成也山海經曰騶虞五采畢具尾長於身乘之日行千里

犬

說文曰狗之有縣蹠者也象形孔子曰視犬之字如畫

狗也凡肉豚宜炮犬宜羹故犬曰羹獻而禮有犬羹又楚人烹猴召其鄰以為狗羹而甘之是也禮疏以為犬以餘羹飼之令犬善肥故曰羹獻何其繆也傳曰犬有三種一者田犬二者吠犬三者食犬食犬若今菜牛也五行傳曰雞畜之有冠翼者屬貌犬畜之以口吠者屬言羊畜之遠視者屬視豕畜之居閑衛而聽者屬聽牛畜之任重者屬思雜令曰蹄人者絆其足齧人者截其耳此謂犬馬之弗馴者宜示慄懾曉人也說文曰牛觸

人角箸橫木所以告人也从口从牛然則示慄懾以告人其來尚矣爾雅曰犬生三獫二師一獫師衆也獫言其叢聚

豸

豸胡犬也似狐而小黑喙善守其字从干釋言曰干扞也記曰君子狐青裘豹褱麕裘青豸褱豹取制服豸取扞守也周官七射豸侯豸胡犬也其守在夷士以能勝四夷之守為善亦其伏節死制而聽命於主士之事也

故射豻侯傳曰桀犬吠堯非堯之罪犬各護其主爾巾車曰漆車藩蔽豻祺雀飾蓋祥事禪而就吉則其守將在四夷故豻祺也儀禮曰大侯九十參七十干五十即所謂虎九十弓熊七十弓豹麋皆五十弓者也鄭云參讀為糝糝侯者豹鵠而麋飾干讀為豻豻侯者豻鵠豻飾皆非是王射虎侯則於熊侯豹侯為大故虎侯一名大侯詩傳所謂大侯君侯也參即熊侯言其參於虎侯豹侯之中也干即豹侯言其以下干上又繼熊虎之後

也梓人曰張皮侯而棲鵠則春以功張五采之侯則遠國屬張獸侯則王以息燕鄭云皮侯以皮所飾之侯也五采之侯謂以五采畫正之侯也獸侯畫獸之侯也詩曰終日射侯不出正兮正所射也詩傳以為二尺曰正蓋王射采侯九節五正則其居侯中地方丈矣梓人為侯廣與崇方參分其廣而鵠居一焉鄭氏以為鵠方六尺則大射之鵠小而中難賓射之正大而中易理或然也呂子曰射帖者欲中小射獸者欲中大然則大射射

鵠賓射射正鄉射射質燕射則因鄉射之侯鄭氏注儀禮以為燕射乃張獸侯而鄉射當張采侯二正又誤矣諸侯之射也必先行燕禮大夫之射也必先行鄉飲酒之禮故其射侯皆相因而記鄉射者正言獸侯如梓人燕禮又以謂若射則大射正為司射如鄉射之禮也司裘職曰王大射則共虎侯熊侯豹侯設其鵠則大射射鵠之證也射人職曰王以六耦射三侯三獲三容樂以騶虞九節五正則賓射射正之證也三侯即虎侯熊侯

豹侯其侯中皆以五采畫正所謂五采之侯鄭云三侯五正三正二正之侯又誤矣射人曰王射三侯九節五正則明此三侯皆九節五正下云士射豸侯五節二正則又明豸侯內以二采畫正士射豸侯內以二采畫正則王射五采畫正之侯亦以虎侯熊侯豹侯明矣下云若王大射則以狸步張三侯則又明此五采畫正之侯既不棲鵠又不以狸步張之所以異於大射者如此且王大射則張皮侯而棲鵠又獨張以狸步者蓋於此以

擇士則宜擬度而取焉又欲其中微故放貍步而棲鵠也鴻鵠一舉千里射者難中故於大射射之以擇其巧者鄉射禮曰凡侯天子熊侯白質諸侯麋侯赤質大夫布侯畫以虎豹士布侯畫以鹿豕凡畫者丹質則鄉射射質之證也質亦所射也詩曰發彼有的傳云的質也後鄭以為白質赤質皆謂采其地亦誤矣蓋禮曰大夫布侯畫以虎豹士布侯畫以鹿豕凡畫者丹質則明凡此布侯畫獸乃射丹質而熊侯白質麋侯赤質非畫者

矣鄭氏云丹質謂以丹采其地亦誤也然則皮侯無正
有鵠采侯無鵠有正獸侯有質無鵠無正司弓矢曰澤
共射楛質之弓矢正弓弧弓以授射甲革楛質則澤射
楛質所以選試其力孟子曰其至爾力也其中非爾力
夾弓庾弓以授射豸侯鳥獸者蓋豸侯五十步而士以
弱弓射之則其力之強弱莫知焉故使於澤宮先射楛
質已射於澤而後射於射宮則是焉張皮侯而棲鵠
又以擇其巧巧力不具非所以為善射

埤雅卷五

埤雅卷五音釋

玗文與

宁治旅

佇除呂

蕓徐與

豐豐

蕓扶云

歆燭

醯醢

藪桑卜

玗丁兮

觥抵

玗雉矯

倬字

絨于力

緝尼軌

纓粽

綖穗

嗥豪

續會

麤零

廬京

蹙促

羴原

騁追

琬胡官

羴因以

舖布

喙許穢

儉力贍

悅稅

鉤梅

躡擲

很恨上聲
核核

牯古督

積墳

杙弋

睫接

獫然

援猿

禠覓

藻子到

駝莫江

腴徒本

黍祛緩

筴古治

撝患

猓子公

豸岸

麋迷

禪坦

榘猪金

欽定四庫全書

埤雅卷六

宋陸佃撰

釋鳥

鵲

雞

鶴

鵝

雉

鷄
雉

鳬

烏

鸛

鷗

鴈

鷹

鳩
鵲

鶴

鷓

鵲

鵲知人喜作巢取在水杪枝不取墮地者皆傳枝受卵
故一曰乾鵲而莊子云烏鵲孺魚傳沫也鵲以傳枝少
欲故曰孺也列子所謂純雉其名穉蜂者與此同意淮
南子曰太陰所建蟄蟲首穴而處鵲巢向而為戶又曰
蟄蟲鵲巢皆向天一蓋鵲巢開戶嚮天一而背歲故博
物志云鵲背太歲也先儒以為鵲巢居而知風蟻穴居
而知雨鵲歲多風則去喬木巢旁枝故能高而不危也
然則彊而不淫知風之自而作其巢知歲之所在而開

其戶者鵲也彊而不淫所以成德成德故有行知風之
自而作其巢知歲之所在而開其戶所以趨時趨時故
有功故詩以譬國君積行累功詩曰防有鵲巢邛有旨
苕言不驚懼之故防有鵲巢不殘賊之故邛有旨苕也
俗說鵲巢中必有梁見鵲上梁者必貴今二鵲共銜一
木置巢中謂之上梁說文作舄象形通為舄履之舄古
之人居欲如燕行不欲如鵲故其字借為舄履之舄所
以為行戒也其在相法有之曰鵲行蹒蹒性行弗良篆

文作雉蓋从錯省淮南子曰如鵲之駁一曰从昔昔之言乾也考工記曰稗牛之角直而澤老牛之角紵而昔殷氏子抄曰寫九寫而為烏帟三寫而為帝言書之轉易如此意林曰書三寫魚成魯帝成帟亦是意也相感志曰野雞屬陰先鳴而後鼓翼家雞屬陽先鼓翼而後鳴天玄主物簿云鵲啄槐實結玉於腦謂之鵲玉此鵲終歲不復鳴噪雖巢無胎卵

雞

鹽鐵論曰雞廉狼吞雞跑而食之每有所擇故曰小廉
如雞爾雅云雞大者蜀蜀子雒郭璞曰雞大者蜀今蜀
雞也雞有蜀魯荆越諸種越雞小蜀雞大魯雞又其大
者莊子曰越雞不能伏鵠卵魯雞固能矣成玄英曰越
雞荆雞也魯雞今之蜀雞案韓子曰魯雞之不期蜀雞
之不支則玄英所謂魯雞今之蜀雞非是舊說日中有
雞月中有兔按雞正西方之物兔正東方之物大明生
於東故雞入之月生於西故兔入之此猶鏡燈西象入

東鏡東象入西鏡云爾風雨之詩曰風雨淒淒雞鳴喈
喈風雨瀟瀟雞鳴膠膠風雨如晦雞鳴不已言雞之信
度如此秋氣慘而淒淒風雨如此則疑於不能和秋物
脫而瀟瀟風雨如此則疑於不能固嚮晦則君子入以
宴息之時也風雨如此則又疑於已今曰風雨淒淒雞
鳴喈喈風雨瀟瀟雞鳴膠膠風雨如晦雞鳴不已則亂
世君子不改其度之譬也喈喈言鳴而不失其和膠膠
言鳴而不失其固易曰巽為雞兌見而巽伏故為雞雞

知時而善伏故也故曰乳狗噬虎伏雞搏狸又曰伏雞
日抱其卵伏而未孚始化之時謂之涅王褒曰魚瞰雞
睨李善以為魚目不瞑雞好邪視此言是也禽經曰陸
鳥曰棲水鳥曰宿獨鳥曰止衆鳥曰集水鳥晚於林棲
故曰宿也說文云日在西方而鳥棲因為東西之西
詩曰雞棲于埭日之夕矣言雞棲矣日於是夕夕於是
月見故夕象半月未有蟾桂之狀月滿則夜見半則夕
見故也故曰朝見曰朝暮見曰夕夕非曛晦之時明矣

吳均曰雞有呼羣之德鹿有食苹之美傳曰雞見食相告者仁也

鶴

鶴形狀略如鶴其性甘帶每遇巨石知其下有蛇即於石前如術士禹步其石眈然而轉南方里人學其法者伺其養雛緣木以蔑絙縛其巢鶴必作法解之乃於木下鋪沙印其足迹而倣學之天將雨則長鳴而喜蓋知雨者也又善羣飛薄霄激雨雨為之散作窠大如車輪

卵如三升杯擇礬石以嫗卵鵲水鳥也伏卵時數入水
卵則不暇取礬石周圍繞卵以助煖氣故方術家以鵲
煖巢中礬石為真物也又泥其巢一傍為池以石宿水
今人謂之鵲石飛則將之取魚置池中稍稍以飼其雛
俗說鵲梁蔽形鵲石歸酒又曰礬石溫鵲石涼故能使
卵不暇水不臭腐也詩曰鵲鳴于垤婦嘆于室垤蟻冢
也鵲知天將雨有見于上蟻知地將雨有見于下鵲鳴
于垤將雨之候也將雨則征夫之至不必如期故婦嘆

于室也且行百里者半九十言末路之難也則於是時
遇雨為尤苦故詩人道此以序其情而序曰三章言室
家之望女也禽經曰鸛俯鳴則陰仰鳴則晴仰鳴則晴
是有見于上也俯鳴則陰是有見于下也夫丈藿見為
觀蓋取諸此拾遺記曰鸛能聚水巢上故人多聚鸛鳥
以禳却火災

鵝

鵝頸如癭鵝頰如瘤今鵝江東呼鴈長脰善鳴又善轉

旋其項古之學書者法以動腕羲之好鵝者以此亦其
自然而有行列故聘禮曰出如舒鴈古者兵有鵝鵠之
陳也左氏曰鄭翩顧為鵠其御顧為鵝舊說言江淮謂
羣鵠旋飛為鵠井則鵠善旋飛盤薄霄漢與鵝之成列
正異故古之陣法或顧為鵝或顧為鵠也卞子曰羊性
淫而很豬性卑而率鵝性頑而傲狗性險而出蓋鵝戕
首似傲故曰傲也名之曰鵝其謂是歟鵝伏隨日鵝伏
隨月說者以為乳鵝伏卵隨日光所轉傳曰鵝飛則蜮

沈鵠鳴則蛇結又曰短脚者多伏長脚者多立脚近尾者好步脚近臆者好躑多伏鵠鵠之類是也多立鵠鵠之類是也又曰陸生之鳥味多兇或作銳而善啄水生之鳥味多圓而善咬善咬亦鵠鵠之類是也善啄亦鵠鵠之類是也俗云鵠毛柔煖而性冷宜覆嬰兒字說曰鵠飛能俄而已是以不免其身若鴈鵠者可也鴈鵠者鵠也而非鵠禽經曰鵠見異類差翅鳴雞見同類拊翅鳴

雉

雉死耿介妒壘護疆善鬪雖飛不越分域一界之內要
以一雄為長餘者雖衆莫敢鳴雌潘岳所謂畫墁行以
分畿者也周官曰士執雉士死制故執雉所謂二生一
死摯者也又其交有時別有倫而其羽文明可用為儀
故古者后服三翟詩曰有彌濟盈有鳴雉鳴濟盈不濡
軌雉鳴求其牡言雉宜交有時別有倫今反以雌求雄
非特以雌求雄而又求牡焉以雌求雄者淫也非特以
雌求雄而又求牡焉者亂也故序曰公與夫人並為淫

亂又曰雄雉于飛泄泄其羽言雉交有時別有倫而又性善鬪雖飛不越分域宣公淫亂不恤國事軍旅數起則雉之不如也易曰離為雉離火也其體文明性復姦悍故為雉亦雉雖非辰屬而正是南方之物陶氏所謂丙午日不可食者明王於火也又云麋鹿非辰屬八卦無主故道家聽許為脯禮云雉曰䟽趾鴨鴈醜指間有幕其足蹠雞雉醜指間無幕其足䟽故曰䟽趾也簡兮之詩曰左手執籥右手秉翟此大舞也宛丘之詩曰無

冬無夏值其鷺羽此小舞也雉取文明鷺則取其有潔
白之容所謂大舞者籥舞是也所謂小舞者羽舞是也
故樂師云掌教國子小舞一曰羽舞雉飛若矢一往而
墮雉雞類也不能遠飛崇不過丈脩不過三丈故雉高
一丈長三丈也古者數數以萬度度以雉爾雅雞雉皆
曰絕有力奮雞雉皆不能遠飛故名云化書曰雉不再
合信也說文云雷始動雉鳴而雉其頸蔡邕月令以為
雷在地中雉性精剛故獨知之應而鳴也禽經曰鷩上

無尋鷄上無常雉上有大鷄上有赤

鷄雉

釋鳥云江淮而南青質五采皆備成章曰鷄王后六服
一曰翬翟畫以翬雉二曰揄翟畫以揄雉三曰闕翟言
刻繒為之闕而不畫闕而不畫則其制屈於二翟故一
名屈狄也喪大記曰復夫人以屈狄世婦以褴衣褴亦
信也闕狄一曰屈狄展衣一曰褴衣其義一也翬素質
揄青質青質仁也素質義也備五采焉禮也地道尚義

故后妃之德義以為質而文之以禮或曰闕翟飾以闕
雉天子五門一曰雉門雉門畫雉象闕也屈狄以此雉
飾之故曰闕翟毛詩傳曰象服尊者所以為飾蓋褱衣
也褱衣畫雉故曰象服又曰揄狄闕翟羽飾衣也而說
文解褱亦曰畫袍其釋揄翟又以謂翟羽飾衣則褱衣
畫翟揄翟闕翟皆翟羽飾之矣周官二翟曰翟而褱衣
變翟曰衣以此故也葛覃之詩曰薄汙我私薄澣我衣
曷澣曷否歸寧父母詩傳又以為婦人有副褱盛飾以

朝事舅姑接見于宗廟進見于君子其餘則私也私服
宜澣公服宜否蓋公服謂褱而已以畫故宜否則二翟
以羽飾之雖澣可也且夫服袞冕則婦服副褱而袞之
制字从公从衣則公服謂褱理宜然也然則薄汙我私
薄澣我衣相備而已故或言私或言衣也

鷩

釋鳥云鷩鳥醜其飛也翔高飛曰翔布翼不動曰翔鷩
鷩也摩風四翔故其飛也翔曲禮曰前有塵埃則載鳴

鳶鳶鳴則將風故也禽經曰暮鳩鳴即小雨朝鳶鳴即大風詩曰鳶飛戾天魚躍于淵鳶鈍者也而乘風以風作之則高飛魚潛者也而乘氣以氣作之則深躍故詩以況君子作人之盛昔墨子作木鳶飛三日不集列子所謂班輸之雲梯墨翟之飛鳶是也今人乘風放紙鳶鳶輒引絛而上令小兒張口望視以洩內熱蓋放於此舊說觀魚翼而創櫓視鳩尾而製施言古之人仰觀俯察取材於物以成舟楫之利如此庚桑子曰人實鵠義

而有其國鴟貪殘之鳥善抄盜人詩曰為梟為鴟說文曰鴟从艸干上為艸鴟飛戾天故从艸也易曰飛鳥遺之音不宜上宜下大吉上逆而下順也

烏

說文曰烏孝鳥也象形林罕以為全象鳥形但不注其目睛萬類目睛皆黑烏體全黑遠而不分別其睛也烏一名鴉其名自呼淮南子曰烏之啞啞鵲之喈喈豈為寒暑燥濕變其聲哉詩曰莫赤匪狐莫黑匪烏蓋狐羣

者也烏合者也故詩以况衛之君臣並為威虐其惡如
一又曰哀我人斯于何從祿瞻烏爰止于誰之屋言富
人之屋利之所在故烏集焉民之從祿將如此矣大夫
欲王瞻之也又曰匪手攜之言示之事此之謂也又曰
具曰予聖誰知烏之雌雄言幽王君臣俱自謂聖如烏
之黑雌雄無以相別也管子曰烏集之交初雖相驩後
必相咄詩人每引以刺者非特譏其為惡如一亦以刺
其初皆利合不以道也烏又為嘆詞者雀見虎則鳴烏

見異則噪故以為烏霍烏霍嘆所異也今人聞鵲噪則喜聞烏噪則唾以烏見異則噪故輒唾其凶也尚書大傳曰愛人者兼其屋上之烏然則惡而知其善愛而知其惡者寡矣孫武子曰鳥起者伏也鳥集者虛也言古之善料兵者觀鳥起而知伏視鳥集而知遁傳曰鳥樂空曠鵲樂稠闇世云鴛交頸而感烏傳涎而孕莊子曰烏鵲孺蓋謂是歟故語曰鵲傳枝鵲茹沫又舊說烏性極壽三鹿死後能倒一松三松死後能倒一烏雜俎曰

俗候鳥飛翅重知天將雨鳥陽物也感陰氣而翅重故俗以此占其雨否淮南子曰螣蛇游霧而殆於螂蛆鳥力勝日而服於鷩禮烏陽物也

鷩

釋鳥曰晨風鷩草木䟽云似鷩黃色燕頷嚮風搖翅乃因風飛急疾擊鳩鷩燕雀食之列子曰鷩之為鷩鷩之為布穀布穀久復為鷩也孟子所謂為叢毆爵者鷩即此是也詩曰鷩彼晨風鬱彼北林言穆公能芘其所賴

而賢者赴之如此曾子曰邦有道則突若入焉此之謂也且黃鳥仁晨風義而秦之良士以仁死賢臣以義生故黃鳥曰哀三良也而晨風以刺棄其賢臣禽經曰鸛好風鸛惡雨然則謂之晨風可知也已又曰鸛鸛之信不如鴈周周之智不如鴻今鸛亦去來有時然則制字从亶又可知矣

雕

雕能食草似鴈而大黑色俗呼皂雕一名鷲其飛上薄

雲漢詩曰匪鵝匪鳶翰飛戾天匪鱸匪鮪潛逃于淵言
人民飛揚竄伏不安如此此序所謂亂也昔之相雕者
以為雕首欲長而額狹頂平領大項後毛磔主勁疾目
睛大滿睞長眸子小而近前主明慧爪近肉麤圓其未
纖細主多力蹠平潤主巧捷不夭鼻大主長飛不乏膝
骨大如疾藜實者上相骨小無圭角者下也指節大肉
少分成十字者上相骨節細平者下也鈍金色青潤者
上相淺黑者下也叢林色靜白者上相黑膩者下也封

厚而管麤者上相細薄者下也背偃而溝深者上相隆起者下也臆圓腴為上相側狹為下相尾狹厚為上相潤軟為下相鵠相同雕唯頭欲小頂臆欲圓旋毛欲深味欲側薄而短小為異鷹相亦與雕同而鷹又欲其尾長翅短爾雅象謂之鵠玉謂之雕蓋鵠之義出於鴻鵠之鵠雕之義出於雕鶚之雕鵠性勁利雕性刻制故也今大雕翱翔水上扇魚令出沸波攫而食之一名沸河淮南子所謂鳥有沸波者即此是也禽經曰淘河在岸

則魚沒沸河在岸則魚涌相感志云其毛能食諸鳥羽
如羣錯草中有雕毛必衆鳥毛羽自落地顏氏云雕一
名鷲其翮可用為箭羽蓋雕隼六翮皆乘風輕勁故堪
以為箭羽禽經曰雕以周之鷲以就之

鴈

釋鳥云鳬鴈醜其足蹠其踵企郭璞以為鳬鴈指間有
幕蹠屬相著故曰其足蹠是也又曰飛則脚跟企直非
是也踵足後也今鳬鴈之醜行則皆前幕布地後踵企

故曰其踵企也以今鵝觀鴈行鴨觀鳬行則槩可見矣
鴈行斜步側身故莊子謂士成綺鴈行避影而問老子
詩曰鴻飛遵渚公歸無所於女信處鴻飛遵陸公歸不
復於女信宿蓋鴻之為物其進也有漸其飛也有序又
其羽可用為儀君子之道也故此以况周公易曰漸之
進也公歸東都則之進也然未至西都故為不復易曰
其羽可用為儀吉不可亂也然則禮有以鴻為儀者取
其行列不亂而已禮曰前有車騎則載飛鴻飛鴻則有

行列故也載謂合剥皮毛舉之竿首若所謂以鴻臚韜
枉者周官以禽作六摯大夫執鴈以知保身又欲有去
就之義而不失其序故執鴈也鴈夜泊洲渚令鴈奴圍
而警察飛則銜蘆而翔以避矰繳有遠害之道非特取
其有去就之義而已鹽鐵論曰嗶嗶鳴鴈朝日始旦登
得前利無蹈後害此言婚姻以禮則有利而無害也故
曰貴聘而賤逆之是以君子知出姜之不允於魯矣夏
小正曰鴈北鄉鄉者何也鄉其居也又曰遯鴻鴈先言

遰而後言鴻鴈者何也見遰而後數之則鴻鴈也且曰
遰猶曰傳其驛舍云爾非其居也法言曰能來能往者
朱鳥之謂與燕一名玄鳥鴈一名朱鳥玄鳥以春分來
朱鳥以春分去淮南子曰燕鴈代飛此之謂也且鴈霜
降南翔冰泮北徂其性惡熱故中國始寒而北至舊說
鴻鴈南翔不過衡山今衡山之旁有峯曰回鴈蓋南地
極煥人罕識雪者故鴈望衡山而止陳琳曰陸陷蘄犀
水截輕鴻輕鴻鴻毛也傳曰輕於鴻毛今人試刀劒令

髮浮轉於水以刃斷之觀其銛鈍水截輕鴻殆類是也
博物志曰鴻毛為囊可以渡江不漏案昏禮曰摯不用
死故詩曰嗶嗶鳴雁言用生者也禽經曰鴻雁愛力遇
風迅舉孔雀愛毛遇雨高止又曰鴈曰翁雞曰鶩鶩曰
鷹

鷹

陶弘景曰虎聞聲而深伏鷹見形而高飛鷹鷂鳥也一
名鷂鳩左傳曰鷂鷂氏司冠蓋鷹鷂故為司冠一歲曰

黃鷹二歲曰鵠鷹三歲曰鵠鷹鵠次赤也埤倉音披免
切鷹鷄二年之色也頂有毛角微起今通謂之角鷹詩
曰維師尚父時維鷹揚言其武之奮揚如此樂記所謂
發揚蹈厲太公之志也舊說凡鷲鳥雛生而有慧出殼
之後即於巢外放條大鷲恐其墜及為日所曝熱暍致
損乃取帶葉枝插其巢畔防其外墜及作陰涼也欲驗
雛之大小以所插枝葉為候若一日二日其葉雖萎尚
帶青色至六日七日其葉微黃十日後枯悴此時雛大

可取說文曰雁从瘖省蓋雁从疾省隹之疾捷者故从疾省也隨人所指蹤故从人禽經曰鷹不擊伏鶻不擊妊蓋其義性如此裴氏新書曰虎豹無事行步者若將不勝其軀鷹在衆鳥之間若睡寐然故積怒而後全剛生焉然則越之所以滅吳用此道也蔡邕月令云鷹化為鳩鷹鳩屬也鳩凡五種鷹為鷦鷯應陽而變則喙柔仁而不鷙夏小正曰鷹者其殺之時也鳩者非其殺之時也善其變而之仁也中秋鳩化為鷹變而之不仁故

不記也字說曰應从心从雍心之應物不疾而速不行而至雍之應物人或使之能疾而已不行不至今三館書有味味音竹
麦反漱三卷皆養鷹鷂及醫療之術

鷓鴣

鷓鴣一名鷓鴣一名鴝似鳬脚高毛冠巢於高木生子穴中子銜其母翅飛上下淮賦所謂鷓鴣吐雛於八九鷓鴣銜翼而低昂者也段氏云鴝警鬼鷓鴣厭火孔雀辟惡舊云此鳥長目其睛交故有鷓鴣之號相如所賦

交睛旋目者是也禽經曰旋目其名鷄交目其名鵠方
目其名鵠

鶴

鶴形狀如鵠青脚素翼常夜半鳴故淮南子曰雞知將
旦鶴知夜半其鳴高亮聞八九里雌者聲差下舊云此
鳥性警至八月白露降流於草上點滴有聲因即高鳴
相警移徙所宿處慮有變害也蓋鶴體潔白舉則高至
鳴則遠聞性又善警行必依洲嶼止必集林木故詩易

以為君子言行之象始生二年落子毛三年產伏七年
飛薄雲漢後七年學舞後七年應節後七年晝夜十二
鳴中律後六十年不食生物大毛落茸毛生色雪白泥
水不能汙百六十年雄雌相視目睛不轉而孕千六百
年飲而不食聖人在上則與鳳皇翔於甸其精神氣骨
應相故古者相鶴有經蓋鶴陽物也而遊於陰因金氣
依火精以自養火數七金數九故七年小變十六年大
變六十年變止千六百年形定而色白食於水故喙長

軒於前故後短棲於陸故足高而尾凋翔於雲故毛豐而肉踈大喉以吐故脩頸以納新故壽凡鶴之上相隆鼻短口則少眠高脚踈節則多力露眼赤睛則視遠回翎亞膺則體輕鳳翼雀毛則善飛龜背鼈腹則能產輕前重後則善舞洪髀纖趾則能行禽經曰鶴以怨望鵠以貪顧雞以嗔睨鴨以怒瞋雀以猜瞿燕以狂眈視也鶯以喜轉烏以悲啼鳶以飢鳴鶴以絜唳鳬以凶呌鵠以愁嘯鳴也今鶴雌雄相隨如道士步斗履其跡而孕

內典曰鶴影生禽經曰鶴愛陰而惡陽鴈愛陽而惡陰

鷓鴣

鷓鴣水鳥似鴉而黑一名鷓鴣背曲如鉤食魚入喉則爛其熱如湯其骨主鯁及噎蓋以類推之者也此鳥吐而生子神農書所謂鷓鴣不卵生口吐其雛獨為一異是也楊孚異物志云鷓鴣能沒於深水取魚而食之不生卵而孕雛於池澤既胎而又吐生多者生七八少生五六相連而出若絲緒焉水鳥而巢高木之上夔州圖經

稱峽中人謂鷓鴣為鳥鬼蜀人臨水居皆養此鳥繩繫其頸使入捕魚得魚則倒提出之杜甫詩云家家養鳥鬼是也

埤雅卷六

埤雅卷六音釋

蹌七羊

雉鵲

駁布角

雉余

皆皆

瞰看

睨詣

曛許云

防來得

絙胡官

礮弋底

鰕段

垤徒結

翟貫

駟歌

脰豆

鴝干

蜮胡國

鵠昊

躑直炙

鳴歌

味竹救

啞妾

妒丹故

瀾奴禮

鷩委

焱標

蹠撲

雛錐

鷩繆

鷩晏

翬暉

揄與珠

揄余招

幹汗

鳶員

步以專

攜戶圭

毆區

鴝以出

芘祕

鷗直由

亶多簡

驚團

磔責

賧檢

蹠之石

肤迭

媼曾

雍雍

遡遡

燠於六

泮判

鷹麻

驚執

鵠匹免

喝於歇

雍於陵

鵠奕

味迷

鵠交

鵠青

鵠五輩

鵠似宜

鳩方

與與

盱胡郎

鷺於耕

鷺午的

鷺郁秘

欽定四庫全書

經部

埤雅卷十七

詳校官國子監祭酒臣覺羅書音

洗馬臣王坦修覆勘

總校官庶吉士臣何思鈞

校對官中書臣于鼎

謄錄監生臣范光謙

欽定四庫全書

埤雅卷七

宋陸佃撰

釋鳥

鷺

鳬

雉鳩

鴝鳩

鷓鴣

鷓鴣

孔雀

鷓鴣

鷓鴣

鷓鴣

鷓鴣

鷓鴣

鷓鴣

鷓鴣

鷓鴣

鷓鴣

鷺鷥屬蒼黑色鷺鷥好沒鷺鷥好浮故鷺鷥一名漚列子曰漚
鳥之至者百住而不止今字从鳥後人加之也鷺鷥安
樂於水者也故詩以為神祇祖考安樂之譬而周官王
后安車鷺鷥總詩曰鷺鷥在涇公尸來燕來寧公尸燕飲
福祿來成鷺鷥在沙公尸來燕來宜公尸燕飲福祿來
為來成以祖言福祿也來為以考言福祿也傳曰來為
言厚為孝子則其為考可知矣又曰鷺鷥在渚公尸來
燕來處公尸燕飲福祿來下鷺鷥在漑公尸來燕來宗

公尸燕飲福祿來崇來下以天神言福祿也來崇以地
示言福祿也蓋天故自上來下地故自卑來崇亦其天
道主貴高地事主富崇故也於祖曰爾酒既清爾殽既
馨於考曰爾酒既多爾殽既嘉則以宗廟尚文故也郊
丘則貴質而已故曰爾酒既湑爾殽伊脯也其卒章則
又總上四章之詞故曰公尸燕飲無有後艱無有後艱
者道也蓋道之至可以祐神非有資於物也孰能福祿
之哉故於福祿為不足道也蒼頡解詁曰鷺鷥也今鷗

一名水鵝形色似白鵠而羣飛風土記曰鷺鷥鴈也以
名自呼大如小雞生於荷葉之上

鳧

釋鳥曰鵠沈鳧沈鳧好沒大小如鴨青色長尾背上有
文卑脚短喙水鳥之謹愿者也莊子曰鳧脰雖短續之
則憂鶴脰雖長斷之則悲此言生理至足無欠無餘自
長非所增自短非所損也詩曰女曰雞鳴士曰昧旦子
興視夜明星有爛將翔將翔弋鳧與鴈明星有爛言小

星已不見矣故於是時相警以夙興也蓋鳬鴈常以晨
飛故是詩如此賦曰晨鳬旦至此之謂也亦其弋不射
宿所以為好德又鳬性慤謹鴈有行列而不亂故刺不
說德之詩樂正言琴瑟禮正言鳬鴈因以微切之爾也
又曰弋言加之與子宜之加與元鶴加加雙鷁之加同
意蓋弱弓微矢乘風振之曰弋故楚人好以弱弓微矢
加之歸鴈之上楚辭曰寧昂昂若千里之駒乎將汜汜
若水中之鳬乎蓋沈鳬善沒而又容與與波上下故昔

之散人慕焉

睢鳩

睢鳩鵲類江東呼之為鵲鷺而有別陰陽自然變化論
曰睢鳩不再匹蓋言是也詩曰關關睢鳩在河之洲蓋
關雎和而摯別而通習水又善捕魚故詩以為后妃之
比鵲鷺則一宿均養又居鵲之成巢故為夫人之德而
已徐鉉草木蟲魚圖云睢鳩常在河洲之上為儔偶更
不移處蓋鵲鷺性好跼故每立更不移處所謂鵲立義取

諸此鄭子曰少皞氏以鳥名官鳳鳥氏歷正也玄鳥氏
司分伯趙氏司至青鳥氏司啓丹鳥氏司閉祝鳩氏司
徒睢鳩氏司馬鴈鳩氏司空鷦鳩氏司寇鵙鳩氏司事
五鳩鳩民者也鳳知天時故以名歷正之官玄鳥燕也
以春分來秋分去故司分伯趙鴈也以夏至鳴冬至止
故司至青鳥鷽鷽也以立春鳴立夏止故司啓丹鳥鷽
雉也以立秋來立冬去故司閉睢鳩鷽而有別故為司
馬主法制鴈鳩平均故為司空平水土鷽鳩孝故為司

徒主教民藉虞槐賦曰春棲教農之鳥即雛是也俗云
雉鳩交則雙翔別則立而異處是謂鷺而有別傳曰鷺
鳥不雙是也

鷺鳩

鷺鳩桔鞠一名搏黍今之布穀江東呼為郭公牝牡飛
鳴以翼相拂不自為巢居鷺之成巢有均一之德蓋其
哺子朝自上而下暮自下而上者均也其子在梅在棘
在榛而已則常在乎桑者一也詩曰維鷺有巢維鷺居

之序者以為國君積行累功以致爵位夫人起家如居有之德如鴈鳩乃可以配焉蓋一者婦道也妻道也均者母道也小君之道也均所以制節一所以謹度故詩以況夫人周官羅氏中春獻鳩以養國老者鳩性不噎食之且復助氣故也續禮儀志曰仲秋案戶校年老者授之以杖其端刻鳩形鳩者不噎之鳥也故曰祝鰥在前祝噎在後禽經曰一鳥曰佳二鳥曰雥三鳥曰朋四鳥曰乘五鳥曰雇六鳥曰鵠七鳥曰𪗇八鳥曰鸞九鳥

曰鳩十鳥曰鷦九鳥曰鳩其字从九以此故歟馮衍逐婦書曰口如布穀言其多聲也

鷽鷽

釋鳥云鷽鷽鷽鷽今江東亦呼鷽鷽左傳曰鷽鷽氏司事先儒云鷽鷽春來秋去故為司事一名鳴鷽月令所謂鳴鷽拂其羽者是也一名鷽鷽莊子所謂蜩與鷽鷽笑之者是也蓋此似山鷽而小釋鳥曰鷽山鷽也故此一名鷽鷽又其短尾青黑色多聲故此一名鳴鷽也詩

曰宛彼鳴鳩翰飛戾天言鳴鳩小物決起而飛槍榆枋
時則不至而控於地而已矣今飛鳴戾天則其聲亦遠
聞其勢亦高至唯勉強故也可以人而不如乎許慎云
鳴鳩奮迅其羽直刺上飛數千丈入雲中其勉而飛如
此又曰題彼脊令載飛載鳴言脊令亦小物也今飛鳴
不有止息雖不能遠聞高至然亦有首尾相應可以人
而不如乎欲其如飛鳩不可得也故望之如此而已夫
王尚大者也今幽王曾是之不如故其詩曰小宛也又

鵲鳩性食桑葚然過則醉而傷其性故詩云于嗟鳩兮
無食桑葚而序以為刺淫佚也陸璣云鵲鳩一名斑鳩
蓋斑鳩似鵲鳩而大鵲鳩灰色無繡項陰則屏逐其匹
晴則呼之語曰天將雨鳩逐婦者是也斑鳩項有繡文
斑然故曰斑鳩則與此鵲鳩全異璣之言非今此鳥喜
朝鳴故一曰鵲嘲也凡鳥朝鳴曰嘲夜鳴曰啖禽經曰
林鳥以朝嘲水鳥以夜啖今林棲多朝鳴水宿多夜叫
啖音夜字見龍龕手鏡

鷓

今鷓鴣也壹宿之鳥壹宿壹於所宿之木一名荆鴣一名楚鴣一名鷓鴣一名乳鴣一名鷓鴣一名鷓鴣一名鷓鴣方言曰鴣自關而西秦漢之間謂之鷓鴣其大者謂之鷓鴣其小者謂之鷓鴣或謂之鷓鴣或謂之鷓鴣梁宋之間謂之鷓鷃性慈孝慈謹故聽聲考詳篇曰雀聲慘毒鴣聲慈念而詩以為使臣賢者之況詩曰翩翩者鷓烝然來思言太平君子至誠樂與賢者共之烝然

後得嘉魚壹鳥也爾雅曰佳其鳩鵒夫不壹宿壹宿婦之正也夫或不然故孔子欲多識鳥獸草木之名四牡曰翩翩者騅載飛載下集于苞栩翩翩者騅載飛載止集于苞杞蓋孝所以致私恩謹所以致公義故四牡勞使臣之詩而其託況如此傳曰懷歸者私恩也靡盬者公義也一曰祝鳩或曰騅與尸鳩皆壹鳥也故有尸祝之號莊子曰庖人雖不治庖尸祝不越樽俎而代之矣尸鳩性壹而慈祝鳩性壹而孝故一名尸一名祝禮云

蝦以慈告祝以孝告今騅類賦尾皆促故其字从佳說
文曰佳鳥之短尾總名也禽經曰拙者莫如鳩巧者莫
如鵲今鳩累累巢止於數枝纔能載身而已鵲巧而危騅
拙而安

孔雀

博物志云孔雀尾多變色或紅或黃喻如雲霞其色無
定人拍其尾則舞尾有金翠五年而後成始生三年金
翠尚小初春乃生三四月後復凋與花萼俱衰榮雌者

不冠尾短無金翠人採其尾以飾扇拂生取則金翠之色不減南人取其尾者握刀蔽於叢竹潛隱之處伺過急斬其尾若不即斷回首一顧金翠無復光彩性頗妬忌自矜其尾雖馴養已久遇婦人童子服錦綵者必逐而啄之每欲山棲先擇置尾之地故欲生捕者候雨甚往擒之尾濡而重不能高翔人雖至且愛其尾不復騫揚也嶺表異錄云孔雀翠尾自累其身比夫雄雞自斷其尾無所稱焉說苑曰君子愛人辯士愛日孔雀愛羽

虎豹愛爪此之謂也今畫史雖妙善花鳥猶憚為此物
蓋其金翠生動染色有不能似者太玄禮首曰孔鴈之
儀利用登于階言孔有文鴈有序而其象皆中禮故利
用登于階也鹽鐵論曰南越以孔雀珥門戶崑山之旁
以璞玉抵鳥鵲此言貴生於少賤生於所有老子曰知
我者希則我者貴豈虛言哉南越志曰孔雀不必匹合
止以音影相接便孕亦與蛇偶禽經曰鵲見蛇則噪而
賁孔見蛇則宛而躍

鵜

釋鳥云鵜鵜鵜郭璞曰今之鵜鵜也好羣飛沈水食魚故名洿澤鵜形似鵝而大人足其鳴自呼頷下胡大如數升囊因以盛水貯魚淮南子所謂鵜鵜飲水數斗而不足鱸鮪入口若露而死是也蓋魚生水中而口不納水顏之推曰魚不咽水一名洿河一名洿澤莊子曰魚不畏網而畏鵜鵜言鵜以智力取魚故魚不畏網而畏之也詩曰維鵜在梁不濡其翼維鵜在梁不濡其味蓋

鵯性羣飛沈水食魚若遇小澤有魚便各以胡去水令
水竭魚露乃共食之故號淘河湊澤則濡其味翼宜矣
今反取飽於梁不濡其翼非特不濡其翼又且不濡其
味故詩以刺小人不食其力無功而受祿也

鵯鵯

釋鳥所云恠鵯是也其鳴即雨為圖可以聚諸鳥一名
隻狐晝無所見夜即飛噉蚊蟲鵯服鬼車之類莊子所
謂鵯鵯夜撮蚤察豪末晝出瞋目而不見邱山者舊說

雀目夕昏人有至夕昏不見物者謂之雀瞽即此類也
焦贛易林曰雀目燕顙畏昏無光顏之推曰雀奚夕瞽
鵠奚晝盲一曰鵠鵠拾人之爪相其凶吉此妄說也

鷓鴣

鷓鴣自呼其名常向日而飛飛數隨月蓋若正月一飛
而止畏霜露早晚稀出有時夜飛飛則以木葉自覆其
背古牋云偃鼠飲河止於滿腹鷓鴣銜葉才能覆身此
之謂也臆前有白圓點文多對啼志常南嚮不思北徂

南越志所謂鷓鴣雖東西回翔然開翅之始必先南翥
亦胡馬嘶北之義也本草曰鷓鴣形似母雞鳴云鉤輅
格磔嶺表異錄云肉白而脆味勝雞雉

鷓鴣

先儒以為鷓鴣即今巧婦郭注爾雅獨云鷓類則璞與
先儒異意以詩與爾雅考之宜如璞義蓋爾雅言鷓鴣
鷓鴣繼云狂茅鷓怪鷓臬鷓則鷓鴣宜亦鷓類賈誼所
謂鸞鳳伏竄鷓鴣翱翔是也詩曰鷓鴣鷓鴣既取我子

無毀我室則其語似戒鴟鴞之詞正如宣王黃鳥之詩
即非鴟鴞自道也昔賢云鴟鴞恤功愛子及室誤矣其
二章曰迨天之未陰雨徹彼桑土綢繆牖戶迨天之未
陰雨及其閒暇之譬也徹彼桑土綢繆牖戶明其政刑
之譬也孔子曰為此詩者其知道乎及其國家閒暇明
其政刑孰敢侮之為是故也蓋寤生於陰雨而戶牖所
以取明故是詩託況如此文子曰百星之明不如一月
之光十牖畢開不如一戶之明

鵙

三蒼云蒼鵙也善高飛似鴈目相擊而孕吐而生子其
色蒼白莊子所謂白鵙相視眸子不運而風化者也蓋
萬物以風動以風化故國風取名焉序曰風風也教也
風以動之教以化之風以動之取其所謂以風動也教
以化之取其所謂以風化也今鷺亦雄雌相隨受卵是
亦風化諺曰鷺鷥相逐成胎是也西方之書曰濕以合
感化以離應春秋書石曰隕石于宋五蓋視之則隕察

之則石徐而察之則五書鵠曰六鵠退飛過宋都蓋視
之則六察之則鵠徐而察之則退飛此言之法也故經
解曰屬辭比事春秋教也而傳以為五石六鵠之辭不
設則王道不亢矣博物志曰鵠亦雄鳴上風雌鳴下風
而孕揚雄蜀都賦云風胎雨鼓風胎若鵠是也鵠睨而
生子又作鵠隔而通者也

鴛鴦

鴛鴦匹鳥有思者也說文稱鳳言鸛鸛鴛思是已崔豹

古今注曰鴛鴦鳬類也雄雌未嘗相離人得其一一思而死故謂之匹鳥鴛鴦性如此故先王慎於取之鴛鴦之詩一章曰鴛鴦于飛畢之羅之言於其飛然後畢之羅之則不毀卵不射宿故也二章曰鴛鴦在梁戢其左翼言以我交於萬物有道故彼於止得其所止也鴛鴦在梁正言左翼者蓋凡鳥左顧則怒作右眄則喜生飛而起則仰左翼飛而下則仰右翼故今鷺鳥下擊皆先側左翅也又是詩初言鴛鴦以著明王交於萬物有道而

卒言乘馬以明奉已有節者蓋言匹鳥乘馬雖微且少而古之明王遇之如此則其大於此者可知也揚雄曰江湖之崖渤澥之島乘鴈集不為之多雙鳬飛不為之少亦言雙鳬乘鴈未足以為增損也列子曰周宣王之牧正有役人梁鴛者能養野禽獸雖虎狼鵠鷄无不柔馴者王令毛邱園傳之此寓言也所謂梁鴛者即取鴛鴦在梁不驚撓之義故名之曰梁鴛蓋列莊之書嘗所稱引者不必實有其人每詭其名以見義如梁鴛毛邱

園无足滿苟得之類是也俗云雄鳴曰鴛雌鳴曰鴛稽
聖賦曰雌鴛奚別鴛鴦奚雙一曰鵲好外反鴛好內思

鴛

鴛似雉而大黃黑色故其名曰褐而鴛賦云揚玄黃之
勁羽也有毛角專場健鬪鬪死不却蓋鷩鳥之暴疏者
每所獲撮應爪摧碎亦愛其黨郭璞鷩贊所謂疇類被
侵雖死不避古者令武士冠之實取諸猛先儒所云虎
夫戴鷩是也列子曰黃帝戰于阪泉之野帥熊羆狼豹

卷七
猛虎為前驅鵠鵠鷹鳶為旗幟此以力使禽獸者也堯
使夔典樂擊石拊石百獸率舞簫韶九成鳳皇來儀此
以聲致禽獸者也先王之於鳥獸或以力使或以聲致
如此又況橫目之民乎字說曰奚也曷也皆無知也鷄
可畜焉以放於死奚物而無知者也鵠善鬪焉以放於
死曷物而無知者也禽經曰鵠鵠鳥也鷗信鳥也

鷺

鷺一名春鋤步於淺水好自低昂故曰春鋤也方言鷺

鳴謂之獨春與此同意鵽鵽亦其鳴聲如春鷺色雪白
頂上有絲毳毳然長尺餘欲取魚則弭之禽經曰鷺啄
則絲偃鴈捕則角弭藏殺機也青脚喜翹高尺七八寸
善蹙捕魚又其翔集必舞而後下故詩以況二王之後
曰我客戾止亦有斯容也楚威王時有赤鷺合沓飛翔
而舞舊鼓吹朱鷺曲是也今鷺之集每至水面數尺則
必低回少盤其勢與飛之時徑起特異蓋其天性舞而
後下非朱鷺獨然也故詩於鷺于下曰醉言舞鷺于飛

曰醉言歸也禽經曰山禽之喙多短水禽之喙多長山禽之尾多修水禽之尾多促山禽尾修喙短若鵲之類是也水禽尾促喙長若鷺之類是也又曰鸛好霜鷺惡露字从露省以此亦或謂之白露今人畜之極有馴擾者每至白露降日則定飛揚而去不可復畜矣俗說雄雌相眄則產陰陽自然變化論曰鷺目成而受胎鸛影接而懷卵鴛鴦交頸野鵲傳枝物固有是哉鷺白鳥也淮南子曰的的者獲提提者射故詩正言王在靈囿鹿

鹿攸伏麀鹿濯濯白鳥翯翯以美文王之德

埤雅卷七

埤雅卷七音釋

鷺

鷺

鷺尸

鷺窟

鷺錐

鷺啼

鷺尺之

鷺逆

鷺在宗

鷺結

鷺施

鷺殼

鷺昆

鷺至

鉉胡犬

鷺丈已

鷺談

鷺昊

鷺野

鷺別

鷺憂

鷺雛

鷺呼霸

鷺嘲

鷺學

鷺余質

鷺夜

鷺分

鷺浮

鷺菊

鷺唯辟

鷺巨惟

鷺夫

鷺浮

鷺香羽

鷺古

鷄

鳥

鷄

澤

鷄

由

鷄

木

鷄

周

鷄

責

鷄

寧

鷄

叩

鷄

隔

鷄

之然

鷄

盼

鷄

蟹

鷄

畫

鷄

返

鷄

樞

鷄

系

鷄

旦

鷄

參

鷄

踏

鷄

竹救

鷄

憂

鷄

學

欽定四庫全書

埤雅卷八

宋 陸佃 撰

釋鳥

燕

翬雉

鷓雉

黃鳥

鷺

斲木

鷺

鵲

鵲

隼

鷺

桃蟲

鷓

燕鳥

鷺

鳳

燕

九章筭術曰五雀六燕飛集于衡衡迴平一雀一燕飛

而易處則雀重而燕輕今其

疑此字誤

一書已

已字上宜其有戊字

其

日皆土故燕之往來避社而嫌土不以戊己籊口布翅

枝尾齊人呼鷩蓋取其鳴自呼故曰鷩也一名玄鳥蓋

取其色之玄故曰玄鳥也一名鷩鷩莊周所謂鷩鷩者

也鳥莫知於鷩鷩目之所不宜處不給視雖落其實棄

之而走其畏人也而襲諸人間此燕安之道也故其字

又為燕安之燕詩曰鳬鷩在涇公尸來燕來寧燕與鳬

鷺皆有安樂之義故其序以為太平之君子能持盈守
成神祇祖考安樂之也詩曰天命玄鳥降而生商言天
命玄鳥下而生商故簡狄吞其卵而生契淮南子曰契
生於卵此之謂也又曰燕燕于飛差池其羽燕燕于飛
頡之頡之燕燕于飛下上其音差池其羽言其羽相與
差池頡之頡之言其飛一上而一下下上其音言其鳴
一下而一上禽經曰烏向啼背棲燕背飛向宿背飛頡
頡是也述異記曰燕之千年生胡髯天玄主物簿云戴

玉之鵲巢於竹與燕同羣蓋燕能識實元官太仙書云
夏小正曰玄鳥至至者入人室屋也一曰衡為鵲虛為
燕

翬雉

釋鳥云伊洛而南素質五采皆備成章曰翬又云鷹隼
醜其飛也翬言其鼓翅翬翬然疾故曰翬也翬雉之翬
生於翬故詩曰如鳥斯革以言其勢之騫揚如翬斯飛
以言其文之與散一曰革宜讀如希革之革言其覆之

絜齊也宮室之制自其四中視之則如跂斯翼自其四角視之則如矢斯棘自其上視之則如鳥斯革自其下視之則如翬斯飛左傳曰五雉為五工正翬其一也翬蓋中央之雉南方曰鷩東方曰鷦北方曰鷮西方曰鷩鷩鷩

薛綜曰雉之健者為鷩尾長六尺字說曰从喬尾長而走且鳴則其首尾喬如也鷩走且鳴行止不能自舍女有取節爾故詩以為淑女之譬而又與鷩冕之義異也

詩曰依彼平林有集維鷦言王后無妬忌之行險詖之心能庇其所賴而淑女從焉則如平林之集鷦雉也夫雖等雉也類有不同則其取以擬象亦因以異若王后翬衣夫人揄翟公之服自鷽冕而下是也鷽又下鷽一等故此取況衆妾傳曰四足之美有鹿兩足之美有鷽說文以為雉有十四種字或从弟以此故也禽經曰火為鷽亢為鷽

黃鳥

黃栗留也一名倉庚一名皇齊人謂之搏黍亦或謂之黃袍常甚熟時來在桑間故里語曰黃栗留看我麥黃甚熟亦是應節趨時之鳥也凡詩言黃鳥者興也言倉庚者賦也詩曰倉庚于飛熠燿其羽此賦男女之得以及時而已蓋倉庚鳴於仲春其羽之鮮明在夏則其鳴啾啾者昏姻之時也熠燿其羽非昏姻之時矣以言得及男女之時而已故其序曰四章樂男女之得及時也詩曰縣蠻黃鳥止于丘阿道之云遠我勞如何縣蠻黃

鳥止于丘隅豈敢憚行畏不能趨繇蠻黃鳥止于丘側
豈敢憚行畏不能極我勞如何即所謂不忘微賤畏不
能趨畏不能極則又以言其不遺微賤也黃鳥亦名黎
黃其色黎黑而黃也鳴則蠶生詩曰春日載陽有鳴倉
庚女執懿筐遵彼微行爰求柔桑蓋為是也韓子曰以
鳥鳴春以蟲鳴秋以鳥鳴春若黃鳥之類其善鳴者也
陰陽運祚推移時至氣動不得不爾故先王以候節令
倉庚鳴是也蓋立春之節初五日東風解凍次五日蟄

蟲始振後五日魚上冰次雨水氣初五日獺祭魚次五日鴻鴈來後五日草木萌動次仲春驚蟄之節初五日小桃華次五日倉庚鳴後五日鷹化為鳩次春分氣初五日玄鳥至次五日雷乃發聲芍藥榮後五日始電次季春清明之節初五日桐始華次五日田鼠化為鴽壯丹華後五日虹始見次穀雨氣初五日萍始生次五日鳴鳩拂其羽後五日戴勝降于桑凡此六氣一十八候皆春陽布發生之令立夏之節初五日蜩蟬鳴次五日

蚯蚓出後五日赤箭生次小滿氣初五日吳葵華次五日靡草死後五日小暑至次仲夏芒種之節初五日蟪蛄生次五日鵙始鳴後五日反舌無聲次夏至氣初五日鹿角解次五日蜩始鳴後五日半夏生次季夏小暑之節初五日溫風至次五日蟋蟀居壁後五日鷹乃學習次大暑氣初五日腐草為螢次五日土潤溽暑後五日大雨時行凡此六氣一十八候皆夏氣揚蕃秀之令立秋之節初五日涼風至次五日白露降後五日寒蟬

鳴次處暑氣初五日鷹乃祭鳥次五日天地始肅後五日禾乃登次仲秋白露之節初五日鴻鴈來次五日玄鳥歸後五日羣鳥養羞次秋分氣初五日雷乃收聲次五日蟄蟲坯戶景天華後五日水始涸次季秋寒露之節初五日鴻鴈來賓次五日雀入大水為蛤後五日菊有黃華次霜降氣初五日豺乃祭獸次五日草木黃落後五日蟄蟲咸俯凡此六氣一十八候皆秋氣正收斂之令立冬之節初五日水始冰次五日地始凍後五日

雉入大水為蜃次小雪氣初五日虹藏不見次五日天氣騰地氣降後五日閉塞而成冬次仲冬大雪之節初五日鵲鳴不鳴次五日虎始交後五日荔挺出次冬至氣初五日蚯蚓結次五日麋角解後五日水泉動次季冬小寒之節初五日鴈北鄉次五日鵲始巢後五日雉始雊次大寒氣初五日雞始乳款冬華次五日鷩鳥厲疾後五日水澤腹堅凡此六氣一十八候皆冬氣正養藏之令

鶯

鳬鴈醜翁鶯鶴醜鶯鶯性貪惡今俗呼禿鶯一名扶老
狀如鶴而大長頸赤目其毛辟水毒頭高八尺善與人
鬪好啗蛇詩曰有鶯在梁有鶴在林言鶯宜在梁鶴宜
在林各有所宜也劉楨魯都賦曰綠鷁葱鶯鶯色蓋青
也

斲木

釋鳥云鴝斲木郭璞曰口如錐長數寸常斲木食蟲因

名云者是也淮南子曰狸頭愈鼠雞頭已癭蚤散積血
斲木愈齧此類之推者也膏之殺鼈鵲矢中蝟爛灰生
蠅漆見蠅而不乾此類之不推者也說文曰獶齒蠹也
以類相攝故斲木愈之俗言此鳥善為禁法能曲爪畫
地為印則穴之塞自開飛輒以翼墁之今鼠竊用其印
以發局鑰舊云鴛鳥取蠹於深以舌銛之舌長於喙杪
有針刺異物志曰舌長五寸此鳥有大有小有褐有斑
褐者是雌斑者是雄又有青黑者頭上有紅毛生山中

土人呼為山斲木大如鵲五姓祕要曰相山之法欲如生蛇之渡水又欲如斲木之飛翔生蛇渡水取其詰屈斲木飛翔取其一高一下

鸞

釋鳥云鸞斯鵙鵙郭璞曰雅鳥也小而多羣腹下白小爾雅云不反哺者謂之雅鳥詩曰弁彼鸞斯歸飛提提言鸞斯鳥之不能反哺者尚能歸飛以從其類而不失弁樂今已曾反鸞之不如也法言曰頻頻之黨甚於鸞

斯亦賊夫糧食而已矣。鶯斯賊夫糧食以衆故也。方言曰：齊宋之間，凡物盛多，謂之冠。郭注曰：今江東有小鳬，其多無數，俗謂之冠鳬。東都賦曰：鵲鵲秋棲，鵲鵲春鳴。今衆鳥秋分多羣集，非特鳥也。然至春分，輒兩兩而翔，不復羣矣。里俗謂之分羣。月令仲秋曰：羣鳥養羞，豈謂是乎？

鵲

鵲，鴛屬也。其品中膳羞，內則所謂雉兔鵲鵲是也。莊子

曰窮髮之北有鳥焉其名為鵬搏扶搖羊角而上者九萬里然後圖南且適南冥也斥鴳笑之曰我騰躍而上不過數仞而下翱翔蓬蒿之間此亦飛之至也此言大小雖殊安於至足則其於逍遙一也故雖斥鴳之卑無羨雲鵬而榮願有餘矣蓋周之書方祛羨欲之累因言鵬翼彌大而所以笑之者愈小故前曰蜩與鸞鳩笑之後曰斥鴳笑之也鴳不木處安矣故謂之鴳然又不如燕之燕也白虎通曰一穀不升撒鶉鶉二穀不升撒鳬

鴈三穀不升撒雉兔夢書曰鵽鵽為鬪夢見鵽鵽憂鬪
辯也一曰鵽亦雀屬所謂鵽上有尺是也

鵽

鵽拳堅處大如彈丸俯擊鳩鵽食之鳩鵽中其拳隨空
中即側身自下承之捷於鷹隼傳云擊鳥先高搏鷩之
勢也舊言鵽有義性杜甫所賦義鵽行是也冬撮鳥之
盈握者夜以燠其爪掌左右易之旦即縱之令去其往
東矣則是日也不東嚮博物南北亦然蓋其義性有擒

有縱如此李邕鵲賦所謂營全鳩以自煖乃詰朝而見
釋是也段氏云鵲生三子一為鳩禽經曰鵲生三子一
為鵲鳩生三子一為鵲造化權輿曰鷹鵲之子或為鵲
鷹夏雀生鵲楚鳩生鵲由是觀之以瞽瞍為父而有舜
以舜為兄而有象豈足異哉

隼

禽經曰鷹好踣隼好翔鳬好沒鷗好浮隼鷁屬也一名
雀鷹蓋迅疾之鳥詩曰鵲彼飛隼載飛載止言隼於可

飛則飛於可止則止又曰鵠彼飛隼載飛載揚言隼無所定止也又曰鵠彼飛隼率彼中陵言中陵安靜中正此隼之所以率也蓋宣王無海之道故諸侯有沔水之流縱宣王無陵之德故諸侯有隼之散揚虎之搏噬擬隼之搏噬隼故隼於文从水从隼今鷹之搏噬不能無失獨隼為有隼故其每發必中而古之制字者以此法言曰麟之儀儀鳳之師師其至矣乎螭虎桓桓鷹隼戩戩未至也言若鷹隼攫撮急疾則是右武而已非所以

語至也司常曰鳥隼為旗蓋鳥鳳也畫鳳以象其德畫隼以象其威化書曰鳥反哺仁也隼憫胎義也蓋隼之擊物過懷胎者輒釋不戮也或曰隼鷩鳥也即今所呼為鷩者是字說云鷩並上鴈氏取隼致一鷩與也鷩合也雖黑白錯鷩黑白間禽經曰鷹以鷹之鷩以攄之隼以尹之

鷩

釋鳥云舒鳬鷩鷩鵠醜善立鳬鷩醜善趨尸子曰野鵠

為鳧家鴨為鶩不能飛翔如庶人守耕稼而已周官庶人執鶩工商執雞工商欲其知時又上之所畜也故執雞庶人雖亦上之所畜欲其不散遷而已故執鶩鄭玄曰鶩取其不飛遷說苑曰鶩無佗心故庶人以為摯鶩一名鴨蓋自呼其名曰鴨也或曰雞可系故謂之雞鴨可押故謂之鴨徐鍇曰鳥之孚卵皆如其期不失信也亦鳥以爪覆護其卵愛之誠至也今雞鶩孚卵雞二十日而化鶩三十日而化皆如其期也物類相感志云雞

鶯伏卵忌磨若聞礮磨之聲則不生矣曲禮曰庶人之
執匹匹鶯也鶯不散遷而又乘匹不妬故或謂之匹也
今雄雞能鳴其雌不能鳴雌鶯能鳴其雄不能鳴蓋類
之不可推也廣雅曰鶯鳴鵲也鶯音木質木故也蓋鶯
性醇鶯性木

桃蟲

釋鳥云桃蟲鶯其雌鶯陸璣曰今鶯鶯是也似黃雀而
小化而為雕故俗語曰鶯鶯生雕說苑曰鶯鶯巢於葦

茗繫之以髮鳩性拙鷦性巧故鷽俗呼巧婦一名工雀
一名女匠其喙尖利如錐取茅秀為巢巢至精密以麻
紩之如刺戰然故又一名戰雀其化輒為雕鷽蓋鳥之
始小終大者詩曰肇允彼桃蟲拚飛維鳥言成王懲管
蔡之亂於是始信小物之能成大不敢不誌也

鶡

鶡無常居而有常匹故尸子曰堯鶡居莊子曰聖人鶡
居而穀食詩曰鶡之奔奔鶡之疆疆奔奔鬪也疆疆剛

也言鶉不能亂其匹鵲不能淫其匹故序云衛人以為
宣姜鶉鵲之不若也一章曰我以為兄兄女兄也二章
曰我以為君君女君也故曰刺宣姜也曰兄者姊刺宣
姜之詞曰君者妾刺宣姜之詞詩曰不狩不獵胡瞻爾
庭有縣鶉兮鶉小物也以言在位貪鄙小禽尚公之如
此莊子曰吾未嘗為牧而牂生於奧未嘗好田而鶉生
於突若勿恠何邪俗言此鳥性淳蠢不越橫草所遇小
草橫其前即旋行避礙名之曰淳以此亦其性淳廋之

易熟故曰鶉也筆談曰古人取象不必大物天文家朱鳥乃取象於鶉故南方朱鳥七宿曰鶉首鶉火鶉尾是也鶉有兩種有丹鶉有白鶉此丹鶉也色赤黃而又銳上禿下夏出秋藏飛必附草皆火類也或有魚所化者魚鱗蟲龍類火之所自生也天文東方蒼龍七宿有角有亢有尾南方朱鳥七宿有喙有嗉有翼而無尾此其取象於鶉歟

燕鳥

釋鳥曰燕白脰烏廣雅云純黑而反哺者謂之鳥小而腹下白不反哺者謂之雅烏白項而羣飛者謂之燕烏燕烏白脰烏也雅烏鸞也

鸞

說文云赤神靈之精也赤色五采雞形鳴中五音頌聲作則至一曰青鳳為鸞孔穎達曰燕雀有啁焦之感鸞鳳有歌舞之容是也鸞雌曰和雄曰鸞禮云在輿則聞鸞和之音蓋取諸此乘車和在衡鸞在軾而輶車置鸞

於鑣異於乘車者驅逆之車則尚輕疾故也庭燎之詩一章曰鸞聲將將二章曰鸞聲噦噦將將大聲聲大則近故也噦噦小聲聲小則遠故也郊特牲曰割刀之用而鸞刀之貴貴其義也鸞刀刀有鸞者也以言割牲中節而和蓋易曰利者義之和也利物足以和義先王寓之於禮則刀之所以有鸞也又曰君子黃中通理正位居體美在其中而暢於四支發於事業美之至也先王寓之於禮則璫之所以有鬯也鸞取和鬯取暢在易則

為道在禮則為器其義一也舊云鸞血作膠可以續弓
弩琴瑟之弦或曰鸞鳳之亞也鸞善歌鳳善舞山海經
曰鸞鳥自歌鳳鳥自舞鸞始生類鳳久則五采變易當
上古時鸞與順動此鳥輒集車上雄鳴於前雌應於後
後世不能致作和鸞以象之因謂之鸞仗葬書曰若龍
若鸞或騫或盤言山形若龍之盤伏鸞之騫翔也故曰
玄武垂頭朱雀翔舞青龍蜿蜒白虎蹲踞

鳳

鳳神鳥也俗呼鳥王羽蟲三百六十而鳳為之長鴻前
麇後蛇頸魚尾鸛頸鴛思龍文龜背燕頤雞喙五色備
舉出於東方君子之國翱翔四海之外過崑崙飲砥柱
濯羽弱水莫宿風穴見即天下大安寧夫文凡鳥為鳳
鳳總衆鳥者也古文作𩇑象形蓋四靈唯鳳能鳩其類
故以為明黨之字同門曰朋其類不一所從者一而已
首文曰德翼文曰禮背文曰義膺文曰仁腸文曰信王
文公曰鳳鳥有文河圖有畫非人為也舊云鳳皇其翼

若干其聲若簫不啄生蟲不折生草不羣居不旅行不
罹羅網非梧桐不棲非竹實不食非醴泉不飲詩曰鳳
皇鳴矣于彼高岡梧桐生矣于彼朝陽此之謂也一說
東方曰發明南方曰焦明西方曰鸛鵒北方曰幽昌中
央曰鳳皇按師曠禽經曰青鳳謂之鵠赤鳳謂之鶉黃
鳳謂之焉白鳳謂之鸛紫鳳謂之鶩又曰乾臯斷古則
坐歌孔雀拍尾則立舞人勝之也鸞入夜而歌鳳入朝
而舞天勝之也爾雅曰鷕鳳其雌皇鳳鳥之美者能君

其類而知時雌則美而不大故曰其雌皇又龍乘雲鳳
乘風故謂之鸛鸛偃也亦鳥偃服焉傳曰鳳鳥乘於風
是也地理新書曰狀如猪鼠勿取鳳皇貴胃魚貴尾龜
貴頭鼈貴背虎貴前馬貴脊牛貴領

埤雅卷八

埤雅卷八音釋

鵠驕

斲捉

鸞預

隼筍

嘽謙

籛聶

鳬乙

鷁意

鷗而

頡血

頡杭

淞浙

鷗疇

鷗緇

鵠希

鷗遵

訛比

掄頭

麋白交

爰袁

駕如

蜃時軫

雉姑

啗淡

楨真

鷗益

鴛列

瘰漏

鰮炬

獮驅雨

銛思廉

鴨卑

鶩厥

鳩振

沔免

噬世

穢莊善

鵞以專

鵬間

搨骨

錯諧

孚俘

鵠未

鳴匹

鰾鴨

鳩艾

紕秩

拚弁

忒秘

突天

屮月

鑣標

噉誨

踞據

麇麟

砥紙

翮鳳

鷗肅

鷄雙

鷺族

鷗偃